



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma :

Tir Yimyim

tiryimyim@aolima

tir yimyim

TAPAK 10



TMC-i taoba mapang Goa CM Faleiro
Party nung tatong Tir shim



Bowling jungra, India team-i
maongka tajung agitettsü

VOL. XIX NO. 15 (ADOK 15) DIMAPUR KÜPTOKNÜ (SATURDAY) MONGPUTENI (OCTOBER) 23, 2021 ₹ 5.00

COVID-19 Nagaland: Cases tasen 19, tanepsü angur 21 & tasüba ka liasü

Kohima, Mongputeni/Oct. 22 (TYO): Nagaland nung October 22, 2021 nü COVID-19 cases tasen 19 jangjateta iba tashidak agi meneper nisung 31,689 jungogo aser asür 678 kumogo, ta health ketdangsür kati ashi.

Tanü COVID-19 positive cases puteterem ya Dimapur nung 15, Kohima aser Wokha nung ana-na alitsü, ta tate Nodal Officer for Integrated Disease Surveillance Project, Dr Nyanthung Kikon-i anogoshi sangdongba COVID-19 bulletin nung ashi.

Tesüiba ghonda 24 tsüingta positive cases 21 - Dimapur nung 16, Mokochung nung asem, Kohima nung ana tanepsü nguata tang state nung iba tashidak nungi tanepsü angur nisung 29,738 alitsü, aser tanepsü anguba rate ya shilem 93.84 alitsü, ta pai ashi.

Tang state nung COVID-19 active cases 245 alitsü aser parnokrongnung iba tashidak agi temang nung timtem sümia agütsür nisung 45, nisung 9 dak timtem tera agütsür, nisung 6 kanga mejungi kangshir aser nisung 185 dak iba tashidak agi timtem agütsüba mali, ta pai ashi.

Peren nung COVID-19 positive nisung ka asüba ajanga state nung iba tashidak keter asür nisung 678 kumogo aser item

rongsung nisung 15 bo danga tashidak keta liasü, ta ashi.

Ajak senteper COVID-19 positive keta alir nisung 1,028 danga state temi ogo, ta Dr Kikon-i ashi.

Tang tashinung COVID-19 tashidak alitsü temolung melemeti Nagaland nung sample 389,777 tendangogo. Item ya RT-PCR ajanga sample 110,614, TrueNat ajanga sample 85,102 aser Rapid Antigen Test ajanga 194,061 tendangogo, ta paisa ashi.

Brehostibarnü tashinung nisung 704,836 nem COVID-19 vaccine doses 11,64,695 agütsüoggo, ta State Immunization Officer, Dr Ritu Thurr-i metetdaksü.

State nung COVID-19 mozü agütsür aliba rongsung frontline nung inyaker nisung 60,957, healthcare nung inyaker nisung 15,998, arishi küm 45 nungi tema nisung 201,207 aser arishi küm 18 nungi 44 tsüingta nisung 426,674 alitsü, ta pai ashi.

Nisung 459,859 nem dose tanabuba agüja parnok vaccination course tembangogo. Parnokji frontline nung inyaker nisung 47,796, healthcare nung inyaker 13,355, arishi küm 45 tema nisung 155,020 aser arishi küm 18 nungi 44 tsüingta nisung 243,688 alitsü, ta Dr Thurr-i ashi.

20 buba ANCSU lokti mungdang tenzükoggo



Kohima, Mongputeni/Oct. 22 (TYO): All Nagaland College Students' Union (ANCSU) küm ana nung khen aliba lokti mungdang 20 buba Kohima Science College (Autonomous), Jotsoma nung October 21, 2021 nü "Heralding Tomorrow" omen nung ajemdaker tenzükoggo.

Iba mungdang nung Nagaland tesem balala nung aliba college 38 nungi delegates 213 shilem agir, koba October 22-23, 2021 anogotem alitsü.

Iba mungdang 'introductory session' nung Nagaland College Principals Association (NCPA) ya tesemdanger tongti ka ama ANCSU indang taoba Magazine Secretary, Hikavi Kinimi menden süir agia liasü.

Iba mungdang ya Kohima Science College (Autonomous),

Jotsoma nungi kaketshirtemi lapokja liasü.

Iba sentong nung Dr Lily Sema, Principal KSCJ ajanga jembiba mapang ANCSU aser delegates tem dang pelaba lemsa aser parnok college-i pelashishia agizükka liasü.

"Iba mungdang nung züingsem ajunga lanur, tazüing-tashir aser tejangraba alirtem kisüing lir, anungji tashi tait 'youth force' ka adokdaksüir. Aser item lanur dak asen linük tarutsü metaloka lir," ta lai ashi.

Asenoki ochi meimba lanur nungdaker, shirnoki asen nübur aser asen temeden asoshi nokdaksüala aser ochi jembitsüala, ta ashi. "Shisatsü temürek nung meranga inyaksü aser tarutsü lenir ajunga akumtsüpuba molungsentsü alitsüala aser khuret

Naga yimtenren ken o nung telok ajaki shilem agitsüla: Naga kin 14

Dimapur, Mongputeni/Oct. 22 (TYO): Naga Political Groups (NPGs) tsüingta tezüingzükteper agiba atema Nagaland nung aliba kin 14 Hoho (14 Tribal Hohos) ajanga pela agizükker, ta parnoki sangdong ka ajanga ashi.

Naga nunger küm 70 dak tema timtema aruogo aser iba timtemba mapang nisung meyeriayang aika takum samaogo, aika tepuokdak yuogo aser Naga nunger yimtsüing ajunga amai mitsü kuma rongdoksü, saka Naga nunger teimla mesama, Nagaland puti otsü nung anogo tasen ka tenzüksü teimla lir, ta ashi.

State balala nung prokshia aliba Naga nungertemi yimjung nung yimten ken o angateteptsü nungndak, ta angatetoggo. Küm aika merangba sülen, NSCN (IM) ajanga animesoba aser iba sülen 7 NNPGs temi Government of India den

yimjung ken o jembiba nung Naga yimten tebilemstü tekeratiba nung tatemkati arutsü atema terenlok aliba angur, ta sangdong ajanga ashi.

Naga Tribal Hohos, civil society ajak aser Government of Nagaland ajanga telok ajak dang yimjung nung yimten ken o angateteptsü atema jembitena aru.

Taoba Interlocutor R.N. Ravi-i ashiba ama, integration aser nüjiso atema meimlatsüala, saka tezüingzüktem nung Manipur, Arunachal aser Assam nung aliba Naga nunger ajunga ayimjemtsü.

Ken o jembirtem tsüingta aisü nung tangatetba balala alitsü akok, saka itemji ajanga Government of India den tekeratiba nung yimtenren tangatetep kati arutsü atema jembiba nung tetsükdaksü malitsüala, ta ashi.

Yimjung nung yimtenren ken o tangatetep kati tekeratiba nung marutetra, Naga nunger lanurtem aser lanu putu tarutsü tia majungtsü.

Tang tensa nung ajaki telungjem atema ola adoker, anungji telok balala tsüingta telemsa tali madokdaksütsüala, aser kin 14-i telok balala tsüingta telemsa adokba memelatsü aser telok tasen kar danga adokra ozü litsü nung inyaksangshi mesükdaksütsü, ta sangdong ajanga ashi.

Government of Nagaland indang party ajungai tang inyakba nung ajemdaker NPGs ajak ken o jembishinüdak adentsüala, kechiaser parnokia tekeratiba nung yimtenren tangatetep kati arutsü atema lenmang lapokja ajak lungjemogo, koba Naga Civil society ajungai aginüba ama lir, ta kin 14 Hoho sangdong ajanga ashi.

Tzü-mopung melenshiba ya asangsang lir: K. Therie

Dimapur, Mongputeni/Oct. 22 (TYO): Tzü-mopung melenshiba ajanga meimchir arishi küm aser rongsenketzüing nung kanga mejungi kongshitsü. 2021 küm meyi tziunglu kanga ajema aruba asenoki nguogo. Aluyimer aikati alu junga meyimet aser tekong lu ayimer aser horticulture nunga züsentetba ajema liasü, ta NPCC

tir, K. Therie-i sangdong ka ajanga ashi.

Temperature tatsükba akumba, tzüingsa-rusa tali akumba aser mesen/shiruru tila poktetba asenok nüki agi ngugo. Dimapur nung tesüiba mapang air conditioner amshiba ya September ita tiyongtsü nungbo anena liasü, saka 2021 küm October tatemlana AC maneni amshir, ta pai ashi.

Four lane highway aser railway lenmang yangludang arem jidokba ajanga meyi mapang tatsük tali kumdaksü. Terenlok maparen inykdang süngdong-lidong samadaksüba tanaben ngutettsü atema sorkari sentong yanglutsüala, ta ashi.

Ali telung nung aliba tzüa ajema kumogo. Nütsüing yong süik shilem 70 dak tema ali telung nungi adokba tzü nung metaloka alir, kechiaser sorkari tzü agütsüba nung kanga mejungi tamakok ajurua lir. Nüburtem ajemtsü atema sorkari tzü tajung agütsütsüala. Nüburtem tajemtsü tzü aliba nung sen aika indoker, ta NPCC tiri ashi.

Akhi mapang ama masü nüburtemi civil supply tem nung metaloka alitsü tenzükoggo. Ajisüaka alimar yimya agi lendong-tzüiding bener aruba nungi jembua alitsü atema sorkari renemshia aliba mangur. Tzüinglu sashia aruba, tzümetsüing aser tzüingsarusa mapang nungdakba peritsütsü atema sorkar renema alitsüala, kechiaser alima tesem ajungalen tzü-mopung takzüksü tasak kumogo.

Anüingdang truck senzüba anendakja ataba ajanga nüburtem rongsenketzüing kanga akoksar.

Osettsüset abenba ghonda 12 anendaksüba ya aibelen lir. Sorkari truck tem anüingdang manendaksüi jasadaksütsüala. Sorkari tajanzük atema kisüing mebilemi lenmang tajungba kumdaksütsü bilemstüala, ta Therie-i ashi.

Sorkari nüburtem nem arokapa maliba, molushi maliba mesüra aoyi maliba lenmang agütsütsü/yan glutstütsü bilemstüala. Nüburtemi shimeteter temi nüburtem reshikangshir.

Maneni sorkari nüburtem temang nung timtem agütsüba nungi kumzükka yimya tajung amshitsü sentongtem yanglutsüala.

Yimdak yimtsüingtem nung health services nung temolung agütsütsü mapang tongja tongogo. Yimdak yimtsüingtem nung health services tenüing nung teyari agütsütsü atema dena senotsü jenti lalur. Ajisüaka yimyak yimtsüingtem nung nisungtem junga anepalu mesüi südaksüir. Kari mozüki tongteter saka tasü bener aru ta sangdonger. Aika yamaji asür, kechiaser parnok menor bener arur.

Sorkar nung tashi temeter, lokti nung tanishir aser elected member tem lir. Ajisüaka tesusatsüka Nagaland nung tashi temeter temi pei agitsü dang bilema rongsen tali ang arishir.

Election ajanga shimtetba lenirtemi sen aser tashu amshia election timba nung takok angutsü kisüing atema dang bilemra, tashi temeter temi asen putu wazükka ayutsü meranga tangatetba tajung nung khuret abentsüala, ta Therie-isa ashi.

Mon district CAB senden menogo



Mon DC Thavaseelan K IAS, Wb. Subonenba Longkumer Nodal Director, & Wb. Hamkei COLLAB Director Mon nungertemi Nagaland CHIDLINE State Report 2020- 2021 sayatsüba noksa nung angur.

Dimapur, Mongputeni/ October 22 (TYO): October 22 nü Mon District CHIDLINE ADVISORY BOARD (CAB) mendenbuba aser Mon DC Thavaseelan K, IAS lenisüba nung Mon District CHIDLINE ADVISORY BOARD senden menogo.

Iba senden ya DC lenisüba nung agi aser paisa Nagaland CHIDLINE State Report 2020-2021 sayaja liasü. Board senden nungsa district nung

CHIDLINE inyakim dak sendakba nung sensaksema liasü. Maneni Nodal Director, Subonenba Longkumer-i o tatsü ka jembi, kong pai CHIDLINE 1098 Nagaland, inyakim, intervention model, tanurtem kümzüka ayutsü atema jenjang agibatem aser tanü tashi nung CHIDLINE Nagaland-i ajangzüktetbatem aser inyakim indang metetdaksü aser ketdangsür aser stakeholders ajak dang CHIDLINE Mon aser parnok

inyakimtem nongita yaritsü ajungshi.

Senden nungsa, district nung tanur shibelenba tejemba küm daksütsü aser asadanga alitsü atema committee ka tentetsü, POCSO Act & Juvenile Justice Act dak sendakba nung police aser tanga stakeholder tem den anogo ka sentong ayongzüka agitsü aser police station nung tanurtem den apet takdang ka lemsaksema liasü.

District Health Society lepareprangshiba senden amen

Dimapur, Mongputeni/ October 22 (TYO): District Health Society Committee, Kohima lepa reprangshiba senden ka October 22 nü DC indang Conference hall, Kohima nung menogo. Iba senden ya District kübok health units tem inyakim aser jenjang dak ajemdaker agi.

CMO Kohima, Dr. Vezokholu Theyo-i, health centre jenjang, ANC, laboratory aser patient services, deliveries, immunization, family planning aser Covid-19 vaccination jenjang dak sendakba nung osang agütsü. Laisa, National Urban Health Mission (N U H M) , RashtriyaBalSwasthyaKaryakaram, NVBDCP IEC / BCC activities

done by the Districts, National Leprosy Eradication Programme (NLEP), Non Communicable Disease, Law Enforcement Activities aser Nagaland Healthcare Acts onüktem dak ajemdaker jembi.

Kasa mapang nung District TB Officer, Dr. Akaba Jamir-i, state nung tuberculosis tashidak agi nisungtem menaba jenjang indang metetdaksü. Pai, Alima nung India nung Tuberculosis Infection (TBI) timba lir aser India nung nütüsyongyongyuk crore 34 nung 40 shidak TBI keta lir aser lakh 26 dak küm shia TB tashidak potetba asatetogo, ta ashi.

Paisa, 2025 küm tashi nung TB tashidak meshimeshia samatsütsü atema India Ato

Kilonser-i "TB Hareega Desh Jeetega campaign-TB free India mission" amala sentong balala tenzüko koba Minister of Health & Family welfare-i 2019 küm September 25 nü amenokja liasü, ta ashi.

Maneni Dr. Akaba-i, NTEP kübok metzü angati tendangtsü, angati mozü, angati agi temang anepalutsüba, Nutritional Support (NPY), senzusenpong nung teyari aser senotsü teyari agütsüba indang metetdaksü.

Senden nungsa DPO, DAPCU, Sentimongla Tsudir-i Nagaland nung HIV/AIDS jenjang aser state nung aliba facility tem indang metetdaksüba den district nung DAPCU-i sentong balala ayongzüka agiba indang lemsatöp.

MKG nung Awareness sentong ka ayongzüka agi



Dimapur, Mongputeni/ October 22 (TYO): Department of Agriculture aser ATMA Mokokchung-i ayongzüka, Mission Organic Value Chain Development for North Eastern Region (MOVCDNER) - III (2020-2021) kübok Organic Food Production dak sendakba nung

District Level Awareness sentong ka agiogo.

Technical session nung sustainable organic practices, tsüklu ayimba nung organic inyakim aser organic products aser amshiyim indang sensaksema liasü. Sentong nung shisalen agütsürtemji DPO, LRD, Dr. Sashiyangba;

DDAO, Dr. Lanunochetla aser ATM, ATMA, Shilunokdang Jamir nung liasü.

Iba sentong ya AO, T. Mayang lenisüba nung agi aser sentong ayongzüka agiba indang DAO, Mokokchung-i lemsatöp aser A.O Imtitemsu-i tepela anküp o jembia liasü.

IPR director-i training nung shilem agirtem ajungshi

Dimapur, Mongputeni/ October 22 (TYO): Information & Public Relations (IPR) Department indang technician tem nem live sound management dak sendakba nung anogo ana training agütsüba October 22 nü tembangogo. Iba training sentong nung Managing Director, Pheto Music & Film Academy, Dimapur, Kashito Kiba shisalen agütsür liasü.

Training shibangba sentong nung o jembiba mapang Director, IPR, Er. Z. Tokishe Sema-i, training nung shilem agirtem dang pei mapa nung tajungtiba agüja tenzüksü ajungshiba den state employees itasen kija agi state sorkar budget shilem 80 shi ajunger aser workforce tajungtiba nung achaayanga amshitsü atema

talenba tesashi benokogo, ta ashi. Paisa, sorkar mapa nung züngoksemetetba atema parnok ya aika rongnungi tia takarterm lir ta ashi. Maneni Director-i, parnok nem tangazükba agütsüba ya takok tashi tajungtiba nung amshitsü aser state nung jenjang ajak nung department-i agütsüba service ajungkettsütsü ajungshi.

Training nung shilem agirtem nem live sound system configuration, external analogue processor, systems corrections aser configuration aser stage gears achayangba yim aser technical handling dak sendakba nung tangazükba agütsü. Training takok nung tembangba sülen Director, IPR-i training nung shilem agirtem nem kuli kakat agüja liasü.

Nagaland police-i ken o jangjashitsü

Dimapur, Mongputeni/ October 22 (TYO): Social Media aser osang kakat balala nung police temi pua aliba hon telong kar sama aser iba dak sendakba nung police 13 anema ken o benoka lir, ta osang prokshiba ya tai, ta Nagaland police-i sangdong ka ajanga metetdaksüogo.

Ken o ya tatalokba balaka indang lir, kong September 10 nü Narcotic PS nungi police 13-i hon telong 10, tetuyuba sülen manidaki benshia liasü. Iba dak sendakba nung aibelenba aliba sepai 13 anema State Crime PS nung ken o ka benokogo.

Maneni aija aliba sepai 13

prongla ya mapa nungi anentsür lir aser inyakim nung aibelenba indang ken o maneni bushisüngdangdar.

Police-isa, ken o tanga ka nung Narcotic Cell PS nungi team kati Narcotic Check Point, Khuzama nung October 3 nü hon telong 290 puogo. Iba ken o dak sendakba nung nisung ana puogo aser State Crime PS nung October 5 nü ken o benokogo, ta metetdaksü.

Ken o anaprongla nung apuba hon tem police ket nung lir aser samaba ken o kecha mali. Ken o anaprongla tang bushisüngdangdar, ta kasa sangdong ajanga metetdaksü.

Peren DWO-i NSAP scheme kübok teyari agütsütsü aliba indang metetdaksü

Dimapur, Mongputeni/ October 22 (TYO): District Welfare Officer Peren, Asangla Jamir-i, sangdong ka ajanga IGNOAPS, IGNWPS, IGNDPS, NFBS, State Non-Plan Old Age Pension, nüpkoker aser lemter alirtem nem senotsü teyari agütsütsüba anogotem sangdongogo.

Anogotem yamai alitsü:

Nsong Project: 26th - 27th October 2021

Athibung Project: 28th - 29th October, 2021;

Tening Project: 2nd - 3rd November, 2021;

Peren Project: 5th - 6th November, 2021;

Jaluke Project: 8th -10th

November, 2021.

Iba dak sendakba nung DWO-i, Anganwadi Workers aser teyaritepertem dang, nisung tali nongtepba aser mangmangtepba nungi jenbotsü atema beneficiaries tem tenüng nung pension agizüktsütsü tetuyuba agütsüogo.

Senotsü agütsüba mapang Anganwadi workers tem uniform semer arutsüla. Booklet samaba keno mesera tanga ken o tem jangjanüa lira ketdangsürtem den tsüngtong arua tongteprateptsü metetdaksüogo. Maneni laisa, sen agütsüba takdang nung nisung ajak mask asemstüla, ta metetdaksü.

Longleng SP-i metetdaksür

Longleng, Mongputeni/ October 22, 2021 (TYO): Nüburtem atema Longleng District Police indang mobile number tasen aser temeja adoktsüogo, ta sangdong ka ajanga Longleng SP-i metetdaksü.

1) Sr.S.P: 6009308171

2) Addl. S.P: 6009308172

3) SDPO Llg: 6009308173

4) OC Llg P.S: 6009308174

5) OC Yanglok P.S: 6009308175

6) OC Tamlu P.S: 6009308176

7) OC women P.S: 6009308177.

Anungji, tashishiba kar danga lira aser police nungi osang mesüra teyari agitsü atema tekalen agüja aliba ketdangsür mobile number nung asüngdangyatsü nübur dang mepishir, ta kasa sangdong nung shia lir.



Shillong, Oct 22: Hynniewtrep Youth Council (HYC) züngsemtemi October 22 nü totsü jenjang ajungketba anema longka aitogo. Parnoki petrol, diesel aser LPG nung saru shilem 50 agi ajemtsütsü khanga liasü. Placards aser banner tem amer council züngsemtem aser nüburtemi Motphran nungi Khyndailad (Police Bazaar) tashi yimyim ayima yimtung süa ao.

NF Railway indang mezüngbuba electric train Kamakhya tongogo

Guwahati, Mongputeni/October 22 (Agencies): NF Railway indang mezüngbuba electric train Hokolbarnü Guwahati nung Kamakhya station tonga aruogo.

Kamakhya station tashi Railway Electrification mapa tembanga inyakba den CRS/N. F. Circle-i October 7 nungi 9 tashi New Coochbehar nungi Kamakhya tashi asadanga temelaba agütsüba sülen Electric Traction inyaksangshitsü atema lapoktsüogo, ta NF Railway-i sangdong ka ajanga metetdaksü.

Mezüngbuba electric train NTSK/Parcel ya Hokolbarnü 9:20 ako nung Kamakhya station nung agizüka liasü, ta kasa sangdong ajanga metetdaksü.

Iba inyakyim ya N. F. Railway aser Northeast nung aliba state tem atema otsüsütsü mapang ka aser kanga dang tongtibang alizüng ka tongtetba asütsü.

Iba maparen tembanga inyakba sülen N. F. Railway nung ajak senteper 760 Route KM/1701 Track KM electrify süogo, ta NF-isa ashi.

Iba mapa ya Railway Electrification atema Central Organization aser Rail Vikas Nigam Limited-i agizüka inyaka liasü.


Tang tashi nung electric locomotives aketba train tem Katihar aser Malda nungi New Coochbehar tashi aruya liasü, kong electric loco ya train nungi atongzüka yur diesel locomotive atongoker maneni jajaa liasü.

Railway Electrification mapa tembanga den Kamakhya tashi temelaba agütsüba sülen item train tem ya traction memelenshi Kamakhya tashi indang indang arutsü.

Maneni New Delhi nung Kamakhya tashi Electric Traction nung locomotive memelenshi tonga arutsü.

Temetetsü kaji electric traction ajanga train tem takaraba nung senzütetsü aser iba ajanga mapang aser tashi kümzüksü, energy efficiency ajungkettsü, regenerative breaking, higher hauling capacity, reliability aser line capacity tajungba akümtsü, mopung memenentsü, jenjang dalang asütsü kechiyong train anepaluba aser operation nung sen aika mintoktsü.

Piles Anepaluba - H. Umar Chesam dang alakteta pelaba metetdaksür. Piles, Fistullah, Gastric, Sinus aser Tonsil-Athjma agi ni kangshia liasü aser Rectum nungi azü alu dang mapang talangka item timtem nungi junga taneptsü mangu. Ajsüaka, tang **H. Umar Chesam contact no. 9863758600 / 8416087414 National awardee H. Umar Chesam** Address: **Burma Camp 2nd Police point opp.** tetuyuba nung anidaka surgery kecha magii (non-surgical) anepalur anogo ishika tsüngda ni taneptsü ngua liasü aser iba sülen tanü tashi kü temang nung timtem kecha mali. **Time: 9 AM - 5 PM**
Yours sincerely - **Viselie Vizo, Add: Near Kohima College**



TMC MP Sushmita Dev indang gari BJP züngsemtemi amak

Guwahati, Mongputeni/October 22 (Agencies): Trinamool Congress MP Sushmita Dev indang gari Hokolbarnü West Tripura kübok Amtali Bazaar nung BJP züngsemtemi amak, ta osang ajanga metetdaksüogo.

Taoba mapang Congress lenir aser Dev indang party political campaign nung teyari agüja aliba private firm ka nung inyaker kar iba lendong nung yirua liasü.

Dev, shiba lenisüba nung Trinamool Congress pur Tripura nung inyaksangshidar, lai BJP puri parnok amak ta ashi.

La den, political public relations and consultancy firm, Indian Political Action

Committee (I-PAC) nung inyaker kar 'Tripurar Jonno Trinamool' drive atema nüboyima senzüba mapang iba lendong denchi.

Noksa aser video balala ajanga Trinamool Congress indang election symbol aser kilem kolak nung loudspeakers sendakloker aliba, anüngsentsü SUV ka onsar aliba nguogo.

"Sushmita Dev den TMC züngsem 10 Hokolbarnü 1:30 shi nung Amtali bazaar nung BJP züngsemtemi amak. Parnoki gari raksatsü aser TMS züngsemtem dak teka sangshiba den tetsür party worker tem merenshia liasü," ta Trinamool Congress-i police nem tashishiba agütsüba nung shia lir.



Totzü jenjang aser oset balala nung jenjang ajungketba anema All Assam Student's Union (AASU) züngsemtemi Guwahati nung longkak aitba noksa nung angur.

Pradyot Debbarma-i azüzüktepba inyaksangshitsü ayongzük

Agartala, Mongputeni/October 22 (Agencies): Tripura royal scion aser TIPRA mendenbuba Pradyot Debbarma-i state nung yimjung asoshi ayongzükogo. Bangladesh nung Hindu nungertem amakba sülen state nung nütsüng agi ajema aliba telok amaktsü ta tsübuva bilemba mapang ka nung pai iba tayongzükba agütsü.

Pradyot Debbarma-i, Bangladesh nung fundamentalist temi tekülemdak aser puja pandals tem amakba anema Tripura

nung nütsüng agi ajema aliba lokti amakba aitsütsüla, ta ashi.

"Bangladesh nung tatalokba dak sendakba nung telangzüba agüja state nung nütsüng agi ajema aliba lokti amakba kar danga atalokra aji aitsütsüla. Tai ana agi shidak ka mekümtet ta bilemtetdang. Ni state nung tamangba yimsü lokti balala tsüngda yimjung nung alitsü ayongzük," ta Pradyot Debbarma-i tweet asü.

Bodhbarnü right-wing group Vishwa Hindu Parishad (VHP) nungi züngsemtem aser police na tsüngda Tripura

nung Gomati district kübok Udaipur nung mangatettep adokba sülen security personnel asem densema nisung 15 yirua liasü. Bangladesh nung Hindu nungertem amakba anema iba telok yagi longkak aiba sentong ka ayongzükba agütsü merangba sülen iba mepetmesü adok.

Agartala nunga Section 144 CrPC benoker aliba anema VHP züngsemtem aser activist temi Bangladesh nung Hindu nungertem amakba anema yimtung nung longkak aiba sentong ayongzükba agiogo.

NPP lenir Gicho Kabak alima nungi pilaogo

Itanagar, Mongputeni/October 22, 2021 (Agencies): Arunachal Pradesh nungi National People's Party (NPP) Pa arishi küm 57 liasü.

Gicho Kabak, ya Arunachal Pradesh NPP indang taoba mapang tir liasü aser pa Hokolbar anepdang asü.

Arunachal Pradesh nung NPP ajungkettsütsü aser party maparen nung renloka odaktsütsü atema Kabak-i tongti shilem agia liasü.

Gicho Kabak ajungbena dang iba akümlü nungi pila aoba osang angashia, Northeast nungi tongtibang yimden yimsüsürtemi asükhu lemsatepogo.

"Arunachal nungi ajaki jangjaa aliba yimden yimsüsür tajung ka aser taoba mapang NPP State tir, asür Gicho Kabak'er adianutem, kinungertem ajak den mangyim jashi lemsateper. Pa anojungi iba akümlü nungi pila aoba ya State atema takoksa tulu lir; Tsüngremi asür Kabak tanela tesünep nung anisüngzükdakjangma," ta

Twitter nung Arunachal Pradesh Chief Minister, Pema Khandu-i lemsatep.

NPP national tir aser Meghalaya chief minister Conrad Sangma-i, "Arunachal Pradesh indang taoba mapang NPP State tir Gicho Kabak, shibai State nung party (NPP) atema bendanga agüja inyakogo, pa iba akümlü nungi pila aoba osang angashia temulung züreper. Asür, Kabak-i toktsür aoba adianutem aser pa mangayimer ajak den asükhu lemsateper. Pa tanela tesünep nung anisüngzükangma," ta lemsatep.

Meghalaya minister James Sangma-i, "Taoba mapang State tir, NPP Arunachal Pradesh Unit, Gicho Kabak asüba osang angashia mang ayimer. Arunachal State nung Party (NPP) ajungkettsütsü aser tejakleni anir aotsü asoshi pai shilem tulu agiogo. Asür Kabak-i toktsür aoba adianutem dem mangyim jashi lemsateper. Pa tanela teti tatem maka tesünep nung anisüngzükdakjangma," ta lemsatepa liasü.



India nung Covid-19 vaccine billion ka agütsüba alizüng tongtetba nungtem nung Agartala nung ayongzükba cycle rally ka nung BJP züngsemtemi shilem agiba noksa nung angur.



TIR YIMYIM

YIMOBILEM (EDITORIAL)

DIMAPUR

KÜPTOKNÜ

MONGPUTENI 23, 2021

Covid jem agir crore 100

Tang tashi nung India nung taoba ita tuku tsüingda nisung crore 100 dak talii Covid-19 tashidak nokdangba mozü jem agiba osangji India asoshi dang masü saka alima ajak asoshi takok osang lir. Alima nung tzü, mopong aser tashidak asoshibo artsü mali, anungji asen lima nung asenoki tzü aser mopong merüka yutettsüsa inyaktetra, aji alima ajak asoshi, yamaji asen lima nung tanü ama menatepa aoba tashidak wara tamajung poktetba ya nokdangtetra, aji alima ajaklen nübortem kümzüksü asoshi inyakba mapa asütsü. Iba kasaji asen tangatetba agi mulungsua tashidak nokdangtsü mozü agibaji, kü dak tashidak wara agi atong nungbo tangar dak menaloktsütsü ta shisabolua bilema asen taküm kija kümzüksü asoshi masü saka asen kinunger, medemer, yimtsür yimer aser külem lisemertem kümzüksü asoshi dena bilema inyakba mapa lir. Iba ama kasa tangatetba kodang nisung ajak dak lidir, nisung ajaki pei tangatetba agi mulungsua tongpang nung nokdaker. Iba jagi tsükchirji akoker. Tang India nung nisung crore noklang kati Covid mozü agiba tetezüji, India nung Covid-19 wara nokdangba tongpang nung nisung crore noklangka nokdaka lir. Item nisung crore noklangka jagi parnok asoshi dang masü saka Covid nokdangtsü mozü magirtem asoshi dena tongpang raratsür ta bilemdi. Aji oda, olulu jembirtemi jembiba ama, Covid jem agiba agi timtem lendong ajurutsü asübo nisung crore noklangka jagi ajurur lila ta bilema, ajem magirtemia ajem agirtem nem tenüingsang agütsütsüba mapangji tang ya asütsü. Atangji, nisung crore noklangka tashi agi ita tuku tsüingda Covid mozü jem agitetbaji odangbo masü, ibaji mozü yanglutetertemi nükenbelem arema inyakba den yimten yimsüsürtemi nübortemi temulung lemtettsüsa lenisüba tajung agütsüba ajanga lir. Iba Covid tongpang nung mozü kidang inyakertem doctor aser nurse-temi anir ki aokertem tashi agi pei taküma mapayui tangar taküm kümzüksü asoshi bendanga agüja inyakogo. Iba amaji mozü kidang inyakertem tasü itdakja arogo aser lokti tentetemi akok tashi nübo, rongsen, shisatsü aser sarasadem agi yaritepba nguogo. Iba ama teyari tajung nüngdakba mapang ajaklen nungi teyari aruba ajanga government nung inyakertema tashidak tongpang anema tasü itta nokdaktetogo. Joko, tang yabo asen aliba tesemtem nung dena Covid wara agi atonger dangbo taneptsü angur teimba küm DAGI aser meilongi asenok mulungjang nunga tetsübu aser tarendak samaa odagi. Nagaland nunga tang tashi nung nisung lakh terka ser meyirjang roker dak talii Covid mozü jem agiogo aser item rongnung dose anaprongla agir ajak agi lakh tenet dak tali lir. Nagaland nütsüing yongsük lakh metsü shi rongnung lakh ter ana shi agi Covid mozü agibaji ajaki agir ama bilemer. Ibaji asenok ajak asoshi takok tulu ka ta züingshidi. Asenoki mamai Tsüingrem tenüing asangtsüba mapa kaji, Covid-19 wara agi asen lima tongli, kima yimdonga azüingazünga küma tetsübu agi shinga kimaia malu kidang mongtepba mapang, arogotem nungi teyari angutsüsa lenmang tapu balala lapoktsüba taochi to asütsü. Iba ama mapang asen lima nung arogotem mali asübo, yimten aser lokti tentettem kijaiibo tashidak wara tongpang pateka yabo mekokla. Aji oda, iba ama tetsübuttsü tensa mapang ajak kokteta Tsüingrem tenzüker shirnoki mozü ki tashi oagi temeim mapa inyakogo, itemji alima asoshi tesangwa milen liasü ta kanga jangjaogo. Menatepa aoba tashidaksa süaka, kinunger adianu tajung shirangdanga tonga moutettsüsa aser tasü mang dena ashibangtsüsa timtemdaksüba tashidak wara yabo asenoki taküm nung tangang ajurur. Aji oda, ibai asenok asoshi tekümdangtsü, shisabolutsü aser tangazüksü mapang ka lir. Ano külen, iba ama mapang ya yimten tashi, arogo tamang aser kija tangatetba tendangba mapang lir. Iba tendangba nung asenoki takok nguogo ta bilema Tsüingrem tenüing sangdi aser ano kanga küm DAGI alitsü aser mulungsua yariteptsü merangdi.

OLEMSABANG

Hindu Tamangba Yimsü Kübok Malitsü Ne Meyongnem Nüngdak

Meyu Changkiri

India Hindu yimli akümstsü takhangba

Alima ajak nung tamangba yimsü ka tongtibang sür anir, tat. agi, Europe nung Khristan yimsü, Israel nung Yihuda yimsü, Middle East lima aika nung Islam yimsü, India meketa anüdoklen aliba linük aika nung Buddhist tamang yimsü tesayuba ama bener aor. Saka tanü ama India nung Hindu yimsü tesayuba ama yimden yangera bener aoba alima kata mali. Temalen Nepal nung Hindu Kingdom liasü, saka tanü democratic linük kümogo. India ya Hindu yimsü tesayuba ama bener aotsü Hindu Rashtra yangertsüla ta Mughul, British nung yimsüsüba mapang nungi Hindu yimsü lenirtemi talisa Rashtriya Swayamsewak Sangh (RSS) teloki jembia aru. Aser parnok nükjidong atalokdaksütsü asoshi Bharatiya Janata Party (BJP) ya political tashikang ka ama tenteta bener arur. Parnok tangatetba tamendakdak, Wati Longchar-i yamai ashir,

- India ya Hindu lima (Hindu state) ta agizüka, Hindu tesayuba nung yimden, temzüng, tsüzüing-ozüing, sobaliba ajak bener aotsü noktaker. Muslim aser Khristan shirnoki Hindu yimsü magizüker aser sobaliba mebenshiner, aser shirnoki Hindi mejembir, Hindu yimsü mebenshir parnokji India nung masü ta ashir.
- India nung tamangba balala, sobaliba balala aser oshi balala malitsü. Ka dang alitsü. Lokti teimbai kechi benshir, tetezü Hindu, aji ajaki tashi angaa benshitsu la ta ashir.

Anungji Hindu yimli (Hindu Rashtriya) akhang akhanga yangertsü asoshi Hindu fundamentalist BJP aniba sorkari akhangba yamai angur:

- India nüchiso ngur temzüng nung "secular democratic country" ta agizüka bener aru, saka "secular" ta zülua alibaji entoktsü asoshi noktaker. Tetezü, Hindu yimsü-yimpong dang amshia bener aotsü asoshi "secular" ta alibaji entoktsüla ta akhanger.
- Kaket riju azüoka ayutsü merangba. Tanü India nung kaket riju, Govt. i tenzüka dak alaka, RSS-i tenzüka Vidya Bharatiya tulutiba aser teimba lir. Yangji Hindu tamang yimsü aser sobaliba sayur. Iba den Government school nunga text book Vedas-i sayuba ama, Hindu yimsü-yimpong, otsü-olem, sobaliba züingdaksüla ta akhanger. Vishva Hindu Parishad (VHP) ajanga Bhagavad Gita ya national book declare asütsüla aser school ajak nung sayutsüla ta takhangba lir. Iba den tanga tamangba yimsü tesayuba aija züluba angutsü. Tat. agi, Gujarat nung school nung class 9-pur text book nung Yisu Khrista mojing (demon) ta zülua aliba angur.
- India lima ajak ka küma lungjemdaksütsü aser alima dang Indiai iba tetsü oshi ya jembir ta sayutsü asoshi Hindi oshi angazükdaksütsü aser jembidaksütsü akhanger. India ya "Hindu, Hindi, Hindustan" ta alima dang sayutsüla ta ashir.
- Tamanger telok tilaba pur azüoka ayutsü, renloka mekümdaksütsü asoshi CAA (or CAB) benoka India nung tamanger telok tilatem ainer kümdaksüba sendong lir.
- Tanga yimsü mamangdaksütsü asoshi anti-conversion law state balalal yangluba. Tanü tashi nung state ti tashi nung anti-conversion law yanglua Khristan aika rishikangshiba ajurua arudagi.

Yamaji Hindu yimsü media ajanga sangdongba, shisashiba azüoka ayuba, yoga, astrology, nashi ambulance a.a. inyaka arur. Nagaland nunga tetsür kari sepoy campi oa Hindu nung yimsü benshia rakhi mesülöksüba, Naga Mother Association aser NGOs aikati aija züluba nguogo. Iba amaji tamangba maparen amshia yimden tashi azüoka ayutsü merangba mapatem ta angateter.

India nung Khristan rishikangshi

Tawa tanü, India tesem aika ka nung Khristantem tiptema alitsü kanga tasak akümba kuli aika angutsü. Khristan yimsü meji nüburtem timtem tekangshi jenti ajuruba, mezüingmeshiba, pei tata shilem manguba, temeten samadokba, taküm samaba, a.a. Rishikangshi balala sashia adokba den, ano mapa tamajung inyaktsü telong nung mima mapa inyaktepba, item ya aiben Khristantem anema inyakba tasatem ta ajitetter. Information Technology amshia Khristan tamangba yimsüji bendanger tamangba yimsü ta tiyazü osang prokbatem yaa ka lir. Item ajak ya India nung Bharatiya Janata Party (BJP) yimsüsüba menden arur külen tesashiba akümbatem angur. Kechiyong BJP yimsüsüba arur külen Hindutva tangatetba nung Sangh Parivar ano tali tashi taitba aküm. Far-right Hindu telok balala ajanga India nung lokti tentet jenti amokbanga India nung tamangba yimsü telok tilatem (religious minority) alitsü kanga tasak kümogo.

(Maneni asüing adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Taküm India nung Khristanem anema inyakba tatalokba 305 lir



October 21, 2021 nü New Delhi nung osangbenertem senden ka nung India nung Khristanem anema inyakba report ka sayaba mapang tangokba noksa nung angur.

New Delhi, October 22 (Agencies): October 21, 2021 nü New Delhi nung osangbenertem senden ka nung India nung Khristanem anema inyakba report ka sayaogo.

Taküm ita 9 (January-September) tsüingda India nung Khristanem anema inyakba kanga bulua kümogo; taküm küm tenzüker September ita tashi nung state 21 nung Khristanem anema inyakba tatalokba 305 liasü, ajisüaka police-i item ken o nungjagi 30 dang agizüka ken o benok, ta report nung shia lir.

September ita kija nunga Khristanem anema inyakba tatalokba 69 liasü, August ita nung tatalokba 50, January nung 38, July nung 33, March, April aser June shia nung tatalokba 27, February nung 20 aser May ita nung tatalokba 15 liasü.

October 21 nü New Delhi nung Association for the Protection of Civil Rights (APCR), United Against Hate aser United Christian Forum (UCF)-i iba report saya.

Iba sentong nung Roorkee nungi Khristan- Prio Sadhana Lanse den lar jala ana- Pearl aser Eva nungeri parnok reshikangshiba lemsatep.

Eva-i ashiba agi, October 3, 2021 nü Hindu yimsü alia amanger 200 shii "Jai Shri Ram" aser "Vande Mataram" ta ayimdena ki telungi aitba sülen Khristanem dak azük.

"Yangji onoki tetsübu nung dang alir. Onoki police nem aibelenertem tenüing densema kuli aser ken o agütsü saka

police-i tang tashi shinga mapu," ta lai ashi.

UCF national coordinator, A.C. Michael-i, "Khristanem amakba indang kuli documentary onok ket nung lir. Hindu yimsü alia amangertemi tamangba yimsü meyipdaksüba atema onok nem tai tongloksür, ajisüaka parnok ket nung kuli mali," ta metetdaksü.

"Missionary temi lapokba Khristan school tem nung azüingertem Khristan yimsü dangi meyipdaksür, ta parnoki osang proker, ajisüaka ibaji shidak süra iba linük nung school azünger aika Khristan kümer lila," ta paisa ashi.

Tang Uttar Pradesh nung BJP sorkar lir, aser taküm Khristanem anema inyakba tatalokba timba aliba state ji Uttar Pradesh lir, iba sülen Congress-i yimsüsüba state Chhattisgarh (tatalokba 47), Jharkhand Mukti Morcha-i yimsüsüba Jharkhand (30) aser BJP-i yimsüsüba Madhya Pradesh (26) state tem lir. Karnataka nunga BJP sorkar lir aser iba state nunga Khristanem anema inyakba tatalokba 32 liasü.

Khristanemsa süaka tetsürtem timba takoksa angu; item ama tatalokba nung parnok 1,331 shi yiruogo, parnok rongnung tribal nisung 588 aser Dalit tsür 513 densema lir.

Taküm ita teku tsüingda tekülem sentong tagidak mapang nung amakba mapang Tenla ki 23 raksatsü mesüra bendoktsüogo. Khristanem anema inyakba tatalokba 85 bo

ketdangsertem aser police-i nokdangteta liasü.

2014 küm Centre nung BJP-i aniba sorkar tentetba sülen India kübok state aika nung anti conversion ozüing benokogo, aser item ozüing nung ajemdaker yimsü alia amangertemi Muslim nunger aser Khristanem nem tai tongloksür.

2018 küm Uttarakhand state nunga anti conversion ozüing benok aser linük nung iba ozüing benokba state 9buba aküm. Tanga state temji Arunachal Pradesh, Odisha, Madhya Pradesh, Chhattisgarh, Gujarat, Himachal Pradesh, Jharkhand aser Tamil Nadu state tem lir.

Brihostibarnü sayaba report nungsa India nung Khristanem anema inyakba tatalokba 90 nung takoksa angurtemi kuli ashiba densema lir.

Unity in Compassion nung general secretary, Minakshi Singh-i, Khristanem yimsü meyipdaksür ta Khristanem nem tai tongloksür, ajisüaka census reprangdangra meputeper, kechiyong Khristan nütüing marener, ta metetdaksü.

"Linük nung Khristan nütüing shilem temelenshiba kangabo mali. Atangji Khristan nütüing tajemba dang akümer," ta lai ashi.

October 11 nü UCF-isa shidi ka ajanga Minority Affairs Ministry dang Khristanem anema inyakba kanga bulua akümba ya nokdangtsü atema inyakdaksüner, ta mepishiogo.

Nineveh Plains nung Tenla ki asem yanglushitsütsü: ICC

October 22, 2021: Tamalen Iraq kübok Nineveh Plains nung raksatsüba Tenla ki asem tanaben yanglushitsütsü; item Tenla kiji Nineveh Plains kübok Al-Hamdaniya & Bartella district nung lir, ta International Christian Concern (ICC)-i metetdaksü.

Nineveh Plains nung aliba Tenla ki asemji ka Catholic

Tenla ki aser ana Orthodox Tenla ki lir.

Tenla ki asem tanaben yanglushitsütsü aliba dak sendakba nung Mosul Reconstruction Committee Executive Director, Abdul Qadir Dakhil-i, Nineveh Plains nung jenshia aliba Khristanem tanaben meyipa arudaktsütsü nükjildong nung

iba project ya tenzüker, ta metetdaksü.

2014 küm tomnen nungi Nineveh Plains nung IS kiralongrartemi timtem agütsüba mapang nung Khristanem mindokba den külemi Tenla kitem raksaja liasü. Iba mapang nungjagi tenzüka Khristan kibong meyirjang aika jenshia liasü.

ANOGO ABEN TSÜNGREM DEN

Tatok magütsütetba temenen

Kechiyong onoki angashiba aser anguba indang mejembiibo meliteter. T. Mapa 4:20

Kodang Yisu nüburtem den jaja Pai parnok ayongzüka ashi, "Kechiba nenoki Kü dang Kibuba, Kibuba ta ajar, aser Ni ashiba meinyaker?" (Luke 6:46). Maneni Pai ashi, "Nenoki Ni meimra, Kü ozüing nenoki inyaktsüla" (Yohan 14:15). Pa kangki nung angenloker aser tasü nungi shia arur Pai Pa sülen anidaker temi kechi inyakdaksüner tejangja ashi. Pai parnok nem tenyaba tejangja agüja ashi, "Oang... sayuang... nütüing kümdakjang..." (Mathi 28:19-20). Telok tila kati Pa dang tashi anga aser Yisu Khrista osangtajung alima sünga ao.

Nai ne sasa na Khristan ta jara nai iba ozüing inyaktsüla. Tsüngremi nisung ajak tzüyim ajanga aotsü maja, saka pei kiyonger tang tenzüksü Pai ajak aja. Nai tangar den Yisu lemsateptsü arendaka alitsü akok mesüra magizüksü tsübuttsü akok, mesüra satoka mebilemstsü akok. Süra nai ya koda inyaktet? Anepdang nai sarasademstsü akok: 1) Tsüngremi ne nem mapang tajung agüja tangar den lemsateptsü akok. 2) Iba mapang tajung angatetsü Tsüngremi ne dang yaritsü akok 3) Iba nübu den lemsateptsü asoshi Tsüngremi na tasü itdaksütsü akok. Nai item mapa asem asoshi ne mulungjang ajunga agi sarasademra, Tsüngremi langzüksü. Saka kodang mapangji arudir mapa inyaktsü tongtipang. Shibai metet iba nisung den Khrista osangtajung lemsateptsüji na ji dang asütsü akok. Yisuji shidakba ne Kibur süra, atangji nai pelasita kechi nai angu aser angashi pelasita jembitsü aser lemsateptsü, koda Pai ne taküm melenshitsü iba indang lemsatsü.

Kü Tsüngrem, tanü ni Na asoshi lemsateptsü tasü itdakjang ta sarasademer. Nai ni kümzükba aser Ne mapai ajaba asoshi Ne tenüing asanger. Amen.

China linük nung Apple-i Quran aser Bible Apps agienogo

October 22, 2021: China nung Communist sorkar tetuyuba nung ajemdaker Apple-i China nung tamangba yimsü ana indang Apps agienogo, ta International Christian Concern (ICC)-i metetdaksü.

Apple-i China nung Muslim nunger Quran app- Quran Majeed aser Khristanem indang Bible app- Olive Tree agienogo, ta metetdaksü. Iba osang ya mezüing October 12 nü website Apple Censorship nung agüja liasü.

Google Play Store nung Quran Majeed app ya million 5 dak tema download süogo aser Olive Tree app ya million 1 dak tema download süogo.

Quran Majeed app yanglurtemi China nunger App Store nung app agienba osang metetdaksü aser Apple-i parnok dang app agienba atema Cyberspace Administration of China (CAC) den metetpelang ta metetdakja liasü.

BBC den jembidang Apple-i ashiba agi, China ketdangsertemi parnok dang, item apps ajanga ozüing alema inyaker aser ozüing alema tamangba yimsü dak sendakba osang proker ta shia item apps agientsü atema tuyua liasü.

Taküm May ita nunga

Communist sorkari linük nung Bible apps balala aser WeChat Christian public accounts aika shibangja liasü.

China nunger Khristanem "Gospel League" aser "Life Quarterly" ama WeChat Christian pages lapoktsü merangba mapang nung screen nungji, "Iba account ya ajanga 'Internet User Public Account Information Services Management Provisions' ozüingtem alema inyakogo aser iba account ya anenogo," ta dang adoka sayur.

2019 küm nunga China sorkari WeDevote Chinese Bible app anenja liasü, kechiyong iba app ya million 10 ben dak tema download sür liasü. Iba dak alia YouVersion ama American Bible apps-a Chinese app store nung mangur.

Osangbener den jembidang WeDevote co-founder, Levi Fan-i ashiba agi, 2015 küm Beijing nung Public Security Bureau-i pa dang "Christian WeChat account nung nü kinüngtsü nünati züluba osettemji ketdangsertemi meteta lir, ner ki tasen ka nung aliba meteta lir aser ketdangsertemi nü dak tenük yokdar', ta metetdakja liasü.

OLONG PAITEP # 5974

	1		2						3
4				5		6			
7									
			8					9	
10								11	
							12		
13							14		
15									

TIPLÉN		LANGTSÜNGLEN	
1. Taochi sayuba	- 10	1. Menungra	- 6
4. Temezüng agi kongshi	- 4	2. Mi tsükloker mesebpa	- 4
5. Ainer	- 6	3. Süngo o tzü ajemba	- 5
7. Chiyungnü	- 3	5. Temenemtsü tajung	- 7
8. Mi nung atsük	- 5	6. Idak	- 4
11. Asen masü	- 3	8. _____ ok	- 4
13. Lenmang ajurutepdak	- 6	9. Tebangi apuba kongki tapu ka	- 6
14. Yangi masü	- 4	10. Tashi endokba metet	- 5
15. _____ jang	- 6	12. Tzü manung senzüba	- 4

OLONG PAITEP # 5973 TELANGZÜBA

TIPLÉN :		LANGTSÜNGLEN :	
1. Rebeka, 4. Adam, 6. Yohan,		2. Kan, 3. IM, 5. Anüng, 7. Amsü,	
9. Zü, 12. Sayutsüngir, 15. Ku,		8. Yosep, 10. Sara, 11. Isak, 13. Yakob,	
16. Naman, 17. Abel, 18. Samuel.		14. Nana, 16. Noa, 17. Am.	



Pastor Alokba pongmang nung sarasademer,
 Alokba : O kibuba, Ni ozü Arogo asoshi sarasademer,imlibilema ozü Arogo nung tanüla temeshii mapa inyakdakjangma,
 Kibur : Hai teyazü pastor na ataliang! Kechiba nai ozü Arogo ta ashir? Aji ner Arogo masü kü Arogo lir,na saker külen tamangertem dang shiangno!
 1. Nenok ter shilem envelope merükang ta shiang,kechiaser envelope nung ochimashi sen tener arur, abenjagi karbo tenunga mezüluteter,
 2. Arogo development mapa inyakdang kechiba tolur takar dang rongsen meshir? Department indang auyaba oset temeshii!
 3. Nenok tenzükertem Ongmok intsü ama pei pei dang longshir alirnung kodashür longjemtsü? Aser kati ka majung indang jembitepba ya kodang anentsü?
 4. Arogopuri O jembir dak tai aputsü atemadang sentepi arur, aser shibai O jembir? Pai jembir nungang sentepi arutsü saka pai jeminungbo marutsü ta tejembi ta shia ng!
 5. Nai anir kechiba sama Aliba tanüla mebushii rongsen dang bushir?
 6. Ena! Dept,nung tekulak sür,yimten nung lenir sür pei sünütsü süa alibapur dener Deacon inyaka Arogo anir aotsü meranger nung kodashür tanüla temeshii mapa inyaktsü? Ano aika lir !!!!!
 Alokba : O kibur ya pongmang asü assangsang??????
Lilir : I. Kilang, Ajem, Indisen, Dimapur.

TANÜBO NAI LANGZÜANG

Q. Eco Oscars atema senpet kwika agütsür?
 A. £1m B. £11m C. £100m D. £10m
 _____ (Taruba adok nung onoki langzüsü)
YASHI ADOK TELANGZÜBA : 16 Oct.

AO OSHI ANGAZÜKDAK:
TANÜ ANGAZÜKTSÜBA OJANG

Lemdang
 (v) sadang, lemsa (divide)
 * Tangari agütsüba shijep kidanger den lemdanga achi.

Lemla
 (v) tatsük kümdaktsüba (warming)
 * Aon temekong lemlar achir.

Tir Yimyim

NAI-A YA METETTER MA

India nung nüburtemi sapua aliba Two-Wheeler kar: 'September 2021'

1. Hero Splendor	2,77,296
2. Honda Activa	2,45,352
3. Honda CB Shine	1,42,386
4. Hero HF Deluxe	1,34,539
5. Bajaj Platina	82,559
6. TVS XL 100	61,664
7. Bajaj Pulsar	57,974
8. TVS Jupiter	56,339
9. Suzuki Access	45,040
10. TVS Apache	40,661

SUDOKU # 6015 TELANGZÜBA # 6014

			1	2					1	5	2	9	6	4	3	8	7
5				6			8	3	4	9	6	8	7	3	5	1	2
7			4			6		9	3	7	8	1	5	2	4	6	9
8				1		6			6	1	3	7	9	5	2	4	8
4	9		8						5	4	7	2	8	6	9	3	1
				3		9	2		8	2	9	3	4	1	7	5	6
		6	5		2				2	6	5	4	1	7	8	9	3
2	1			8	9	4	5	6	7	8	4	6	3	9	1	2	5
	5			1			3	7	9	3	1	5	2	8	6	7	4

OJANG LUTEP # 5560

TSURIÜRB :

CIRNHRUDEM :

TMI :

ENGLMA :

NNUG :

AITTESNÜ :

HAOSI :

UBSSAYENTÜ :

JUAGNT :

ASÜGTR :

OJANG LUTEP TELANGZÜBA # 5559

KHEN INYAKDANG JUNG JUNGA SHISADANGER SÜLEN
ANG INYAK TENZÜK TAJUNGBA

TAN HOPTA ATEMA - KOMA SÜLA ?

Q. Tang amai Nagaland nung oposition telok mali ser assembly election agitsü mapang tonga arununga koma süla?



October 22, 2021 nü New Delhi nung Congress Party lenir, Rahul Gandhi-i Gujarat nungi Congress lenirtem den senden amendang tangokba noksa nung angur.

Vaccine dose cr. 100 agütsüba ajanga otsü tasen ka yangluogo: PM Modi

New Delhi, October 22 (Agencies): Brihostibar (October 21) tashi nung India nung coronavirus vaccine dose crore 100 agütsüba sülen anogo ka lir Hokolbarnü linük nüburtem den jembidang Ato kilonser, Narendra Modi-i, India nung coronavirus vaccine dose crore 100 agütsüba ajanga puti otsü tasen ka yanglutetogo, ta metetdaksü.

"Vaccine dose crore 100 agütsüba ajanga October 21 nü India-i puti otsü tasen ka yanglutetogo," ta Ato kilonseri metetdaksü.

"Iba alizüing ya statistics dang masü saka otsü tasen ka yanglutetba lir, koba ajanga India-i nükjidong tulu atenzükuyonga takok angutsü, ta kuli sayur," ta pai ashi.

"India-i iba wara anema koma raratsü, India-i vaccine angutsü asü, ta nüburtemi tasüngdangba liasü, ajisüaka tanübo vaccine dose crore 100

agütsüba ajanga item tasüngdangba ajak atema telangzüba agütsüogo," ta Ato kilonseri ashi.

"Covid wara agi takar aser sensaker na mebendanger; asenokia shinga bendangshidang mesüi ajak nem vaccine agütsü. VIP sobaliba memela," ta pai ashi.

"India aser bendanglen mongintemi India nunger rongsenkettsüing ajungtsü ta bilemer. Tanübo India nunger company tem nung sen aika invest asüba dang masü saka lanurtem atema-a mapa maongka aika adokdaksür," ta pai ashi.

Taküm January 16 nungi India nung coronavirus vaccine agütsü tenzükba sülen Brihostibar tashi nung vaccine dose crore 100 dak tema agütsüogo.

India nung vaccine dose billion 1 ajungba anogo nung Ato kilonseri, India nunger

science, enterprise aser India nunger crore 130 longjemer inyakba ajanga linüki puti otsü ya yanglutetogo, ta metetdaksa liasü.

Paisa iba alizüing tongtetba atema linük nung doctor tem, nurse tem aser healthcare workers ajak nem tenüngsang agütsüogo.

India nunger tain nütsüing shilem 75 dak temai vaccine dose agiogo aser iba nungjagi shilem 31-ibo vaccine dose anaprongla agiogo.

Ano tanga osang ka nung, tesüiba ghonda 24 tsüingda India linük nung nisung 15,786 dak coronavirus putet aser iba tashidak agi shiranger 231 süogo, ta Hokolbarnü health & family welfare ministry-i metetdaksü.

Tang India nung iba tashidak agi teshirangdakpur 1,75,745 lir aser tang tashi nung shiranger 3,35,14,449 anepogo.

Nov. ita tatemlen nungi asükwa mongpu Parliament tenzüksü

New Delhi, Mongputeni/October 22 (Agencies): Asükwa mongpu Parliament November ita tatembanglen nungi tenzüksü aser Parliament senden amenba mapang nung coronavirus wara dak sendakba tetuyuba ajak shidak benshitsü, ta Hokolbarnü sorkar ketdangsertem osang ka ajanga metetdaksü.

Asükwa mongpu Parliament senden 20 shi amentsü aser

Khristmas atongtsü anasa tembangtsü, ta kasa osang ajangasa metetdaksü.

Yakümbo coronavirus wara kanga sashia aliba ajanga asükwa mongpu parliament mamen, iba sülen budget aser tzüingluruwa mongpu senden-a atsülanga liasü.

Parliament November 29 nü tenzüksü aser December 23 nü tembangtsüa akok. Lok Sabha aser Rajya Sabha senden

naprong mapang ka nung dang agitsü aser wara dak sendakba tetuyuba ajak benshitsü.

Parliament complex telungi aiter aser parliament building telungi aiter ajaki mask agitsü aser ajak dak coronavirus tashidak tendangtsü.

Sangküm küm tenzüklen Uttar Pradesh densema state pongu nung assembly election agitsü lia asükwa mongpu Parliament amentsü.



October 22, 2021 nü Patna nung Bihar Industries Minister, Shahnawaz Hussain (ajichilen noksa)-i linük Tir, Ram Nath Kovind aser kinüngtsü, Savita Kovind na nem sempet ka agütsüdang tangokba noksa nung angur.

Petrol aser diesel jenjang maneni atur

New Delhi, October 22 (Agencies): India nung anogo ana gari totzü jenjang matuba sülen tan hopta anogo asem atonga totzü company temi petrol aser diesel totzü jenjang tuogo.

Hokolbarnü petrol aser diesel naprong litre shia nung poisa 35 atuba sülen Delhi nung petrol litre ka nung sen 106.89 jungogo aser diesel litre ka nung sen 95.62 jungogo.

Mumbai nung petrol litre ka nung sen 112.78 aser diesel litre nung sen 103.63 jungogo. Bengaluru nung petrol litre ka nung sen 110.61 aser diesel litre nung sen 101.49 jungogo.

Kolkata nunga petrol litre nung sen 107.44 aser diesel litre nung sen 98.73 jungogo. Chennai nung petrol litre nung sen 103.92 aser diesel litre nung sen 99.92 jungogo.

Taküm state ishika nung assembly election tembangba sülen May ita nungi tenzükba totzü company temi mapang shia jenjang atuba ajanga state aika nung petrol litre ka nung sen 100 dak tema kümogo aser linük tesem tuluba ka nung

diesel-a litre nung sen 100 dak tema kümogo.

Tang amaisa totzü jenjang maneni atu nungbo kobi melii linük tesem ajaklen diesel litre nung sen 100 dak tema akümtsü.

Tang India nung petrol aser diesel jenjang tasaktiba district ji Rajasthan kübok Sri Ganganagar lir. Iba district nungbo petrol litre nung sen 119.05 aser diesel litre nung sen 109.88 jungogo.

Ita ka shi totzü jenjang matuba sülen September ita nungi tenzükba totzü company temi petrol jenjang 18 ben tuogo aser diesel jenjang 21 ben tuogo.

Totzü jenjang atuba tongti kuliji alima nung crude oil jenjang asetshiba ajanga lir. Tang crude oil barrel ka nung dollar sen 85 jungogo. Iba dak alia Central aser states saru aika aliba ajanga totzü jenjang kanga asaker.

Osang angazükba agi, Centre sorkari totzü export asüba linüktem dang crude oil jenjang ajemtsü atema mepishidar.



Bhopal, October 22, 2021: Hokolbarnü Union Home Minister, Amit Shah asoba anogomong nung Bhopal nung BJP lenirtem benjungtepba noksa nung angur.

TMC-i taoba mapang Goa CM Faleiro Party nung tatong Tir shim

New Delhi/Kolkata, October 22 (Agencies): Hokolbarnü Trinamool Congress (TMC)-i taoba mapang Goa nung Chief Minister inyaksang, Luizinho Faleiro TMC national tatong Tir shimogo.

Tawa Faleiro-i Congress toktsür TMC nung adenba sülen mapang tatsüka tsüingda pa party nung tongti menden ka atema shimmer.

Hokolbarnü TMC general secretary, Abhishek Banerjee-i sangdong ka ajanga, "All India Trinamool Congress (AITC) Chairperson Mamata Banerjee-i Luizinho Faleiro party national vice president shimmer," ta metetdaksü.

Banerjee-isa, "Yimtenren nung küm 40 dak tema inyaka aruba mapang nung taoba mapang Goa Chief Minister Luizinho Faleiro-i nüburtem terenlok atema kanga nendaka inyaka aruogo. Pa leniba kübok AITC-i ano jenjang tajungba alanzüksü aser India nunger



senso ajak temeden kümzüksü atema maneni raratsü, ta onoki amanger," ta metetdaksü.

Tawa Faleiro-i Congress party toktsü aser Goa Legislative Assembly nungia anenba sülen September 29 nü TMC nung aden.

West Bengal Chief Minister, Mamata Banerjee-i aniba party-i taruba Goa Assembly election nung party-i tokteptsü, ta sangdongogo. Züingsem 40 aliba Goa Assembly election ya sangküm February ita nung agitsü.



Brussels nung European Union senden ka amenba mapang tangokba noksa ka nung abelen nungi, Hungary Ato Kilonser Viktor Orban, Malta Ato Kilonser Robert Abela, European Council Tir Charles Michel, Czech Republic Ato Kilonser Andrej Babis, German Chancellor Angela Merkel, Belgium Ato Kilonser Alexander De Croo, French Tir Emmanuel Macron, Spain Ato Kilonser Pedro Sanchez, Dutch Ato Kilonser Mark Rutte aser Italy Ato Kilonser Mario Draghi nungertem angur.

Pakistan-i Afghanistan den arütsü lapoker, teyari agütsütsü sangdong

Islamabad, Mongputeni/Oct. 22 (Agencies): Pakistan-i Afghanistan nung tang rongdak atema sen million \$28 dak tema teyari balala agütsütsü aser arütsülen senzüsempongba aser shishilempaba tenokdangba salatsü.

Pakistani Foreign Minister Shah Mahmood Qureshi-i anogo ka Kabul semdangba sülen iba osang ya Brehostibarnü sangdonga liasü.

Pakistan yimtiba, Islamabad nung osangbener senden ka nung jembiba mapang, tang atema shimteta aliba Afghan Ato Kilonser Mohammad Hassan Akhund densema Afghan interim sorkar den delegation-level nung junga jembishinüa liasü, ta Qureshi-i ashi.

"Tang ama tensa mejunji alidang Pakistan nūburtem Afghan nūburtem den lir," ta pai ashi.

Linük ana tsünga arütsü

alema senzüba lenmang tongtipang ana nung Pakistan-i tenokdangba agütsüba ajanga tensa mejunji liasü.

Ajisüaka Qureshi-i Kabul semdangba sülen inyakym temelenshi indang sangdonga liasü.

Visa tejangja bener Pakistan-i aruba Afghan nungertem tangbo sadem-sadema arütsü ajangtetsü, aser visa application maparen tajungtiba nung inyaktetsü atema e-visa facility tenzükogo, ta pai ashi.

Visa yangluba nung sen meshiba December 31 tashi malitsü. Ano 'gate pass' atema kuli kaket aser sen meshiba malitsü.

Afghan nunger Pakistan nung temang anepalutsüpur mesüra medical emergency nung alir nem linük tonga aruba sülen visa agütsütsü.

Tetsüng agi arütsü ajanga senzürtem atema anogo ka nung

ghonda 12 lapoktsütsü, koba taoba mapang ghonda ti dang lapokja liasü, aser trade corridor ya anogo ka nung ghonda 24 lapoktsütsü.

Kabul nung jembishinüba mapang Afghan nungertem rongnungi PM Akhund, Deputy PM Abdullah Hanafi, Foreign Minister Amir Khan Muttaqi, Finance Minister Hidayatullah Badri, Defence Minister Muhammad Yaqoob, Mines and Petroleum Minister Muhammad Isa Akhund, Commerce Minister Nooruddin Azizi, aser Border and Tribal Areas Minister Noorullah Noori nungertem liasü.

Pakistan tsütsü nungi Inter-Services Intelligence (ISI) tekolakba, Lieutenant-General Faiz Hamid, security aser mitkar lenirtem, commerce ministry ketedangsurtem aser foreign ministry nungi ketedangsurtem liasü.

Myanmar mitkari chioker aliba nisung 100 dak tema tanaben apu

Naypyidaw, Mongputeni/Oct. 22 (Agencies): Mitkar tashi amshia sorkar atsüngdokba anema longkak aiter pua aliba tatok agütsür tawa chiokba nisung 100 dak tema Myanmar mitkartemi tanaben puogo, ta iba linük nung nisung apuba aser tepsetba tsüngsü apuba telok kati ashi.

February ita mitkar tashi amshia sorkar atsüngdokba sülen iba Southeast Asia linük nungya mitkar maparen anema nokdaker nisung 1,100 dak tema tepsetogo aser nisung 8,000 dak tema puogo, ta Assistance Association for Political Prisoners (AAPP) ajanga ashir.

Asemnü Buddhist Thadingyut benjongmung mapang nisung 5,000 dak tema chioktsü, ta mitkartemi Hombarnü sangdongba yong yongyaseta aliba kinungertem pei meimba den ajuruteptsü temila nung tepuokdak tesemtem bushia oa liasü.

Linük tesem ajungalen chioker ya tejangja

mezüngdangtet aser aika tanaben aibelen mapa meinyaktsü tenangzükba kulikaket nung meyonngem agütsüba sülen ang chiok.

Tatok agütsür nisung tajemba agi 110 tanaben puogo, ta AAPP ajanga ashi.

"Nisung kar ki tonga aruli tanaben apu. Nisung kar chioktsüpur nung dena lir ta shir tepuokdaki aitleni anir ao aser ano danga ken o nung tai tonglokja tanaben anir ao," ta Brehostibarnü sangdong ajanga ashi.

Mitkar tashi amshia sorkar atsüngdokba anema longkak aiter nisung 2,000 dak tema June ita Myanmar ketedangsurtemi chioka liasü, aser item rongnung mitkar sorkar asoshi tetsükdaktsü aliba osangbener tem densema liasü.

Tang tepuokdak alirtem rongnung America nunger osangbener Danny Fenster dena lir, shiba May 24 nü pua liasü.

Mitkartemi yimten tashi rakzüker ita tuko jungnüa lir

tang tesüsa pua alirtem nem tatok agütsüba maparen ya sangdonga liasü.

Mitkar lenir Min Aung Hlaing-i par linük nung azüdokshi anendaktsütsü atema temolung magütsür ta tangatetba nung taoba hopta Association of Southeast Asian Nations (ASEAN) ajanga par senden nung pa medendaktsütsü telemetba agi.

ASEAN ajanga iba mera agiba ya United States-i pelashishia agizük, kechiaser iba tentet ya mapang talangka tepo maket amai aija arua liasü.

Counsellor Derek Chollet-i Brehostibarnü iba region semdanga jajaba mapang, mitkar nem tebilemtsü khuret tali agütsütsü atema US tembartem den asüngdangya asütsüla, ta shia liasü.

Mitkartemi tashiyim amshia sorkar atsüngdokba ajanga iba linük nung democracy amenoktsü maparen agentsü aser civilian lenir Aung San Suu Kyi pua la anema ken o balala benoka lir.

School tanurtem DRC parliament telungi ait

Kinshasa, Mongputeni/Oct. 22 (Agencies): Hopta ana dak tema tesayurtemi lesson agiba anena parnok taa timba kumdaktsütsü sorkar dang akhangba ama inyakjang ta takhangba agüja kaketshir noklang aika Democratic Republic of Congo (DRC) indang parliament telungi aita liasü.

Itasen aser mapa nungi anisüngzükba küm densema onük kar anema tesayurtemi October ita tetenzüklen nungi longkak aita arur.

"Onoki shisaliok angazükner," ta ayimtena kaketshir tem school uniform nung linük yimtiba, Kinshasa nung aliba parliament telungi aitba video tem social media nung prokshia liasü.

National Assembly indang first vice president, Jean-Marc Kabund-i kaketshirtem den jembiba aser tesayurtem longkak

aitba tatem kati arutsü asoshi tekeraba nung lenmang bushitsü, ta ashi.

Primary, secondary aser technical education indang minister Tony Mwaba-i tesayur tentet den jembishinü tenzükogo, ta ashi.

Itasen kanga ajema agütsüba tejashi nung province balala nung aliba tesayur lokti tentet ajanga longkak aittsü tebilemba lir, ta October 4 nü school kümük tasen tenzükba mapang sangdonga liasü.

Mwaba-i itasen mechhi longkak aitba tesayurtem mapa nungi anentsütsü ta amokmerenaka parnok temolung memelenshir.

Tir Felix Tshisekedi-i 2019 küm September ita tenzüksüba project nung shilem ka ama free public primary education tenzükba sülen mepetmesü ya adok.

Rohingya refugee camp nung nisung tenet tepset

Cox's Bazar, Mongputeni/Oct. 22 (Agencies): Bangladesh-Myanmar arütsülen Rohingya refugee camp ka nung aliba Islamic seminary ka nung nisung tenet tepset, ta Bangladesh police temi ashi.

Lendong agütsürü nisung kar kaset aser kar kotari agi tsüngset, ta regional police chief kati AFP news agency dang Hokulbarnü ashi.

Lendong agütsüba mapang nisung pezü asü aser tanünga nisung asem ya Balukhali camp nung aliba mozü kidang asü, ta osang ajanga ashi. Police temi nisung yirubabo mashi.

"Iba lendong atalokli onoki lendong agütsür ka puogo," ta armed police battalion ka nung regional chief, Shihab Kaisar Khan-i osangbener dang ashi.

Iba nisungba kabu nung prangbong ka, injang trok aser kotari ka liasü, ta pai ashi.

Hopta asem tejakdang Rohingya kin lenir Mohibullah pa indang office kima kaseteter tensa mejunji lia iba lendong ya ataloker.

Nisung tepsetba sülen Home Minister Asaduzzaman Khan Kamal-i tükümlen Cox's Bazar district nung aliba Rohingya camp tem nung security timba kumdaktsütsü atema anepalutsü, ta ashi.

"Security tajungba kumdaktsütsü atema ozüng

amshir nem nübu aser hadir agütsütsü," ta Kamal-i ashi.

Rohingya camp nung temesepba mozü aitba aser ayokba azüoktsü atema surveillance aser border patrols yoktsü, ta ministeri ashi. Bangladesh aser Myanmar tsünga senzüba ayong, Naf River nung surveillance tashi itsütsü, ta pai ashi.

Camp tem temeket nung barbed wire fences inokba tatemleni arur aser nisung senzüsempongba reprangtsü atema watchtower tem inoka lir, ta Kamal-i ashi.

Mohibullah tepsetba sülen camp tem nung tetsüba agi sünger lir aser nisung karbo atsükshia senzür, ta Rohingya activist temi ashir.

Bangladesh nung Rohingya nunger million ka jungnüa anenzüka lir aser taoba küm December ita parnokli refugee asetkong-i yoka liasü. Nisung maliba asetkong nung refugee tem anepalutsü atema United Nations den tezüngzüktep ka agiba sülen ano nisung 80,000 yoktsü sentong lir.

Bhasan Char ya Bangladesh southwest tsütsü tziikum nungi kilometre 50 shi pilar lir, koba linük yimtiba, Dhaka nungi south tsütsü kilometre 193 pilar alitsü, kong sorkari cluster house 1,400 yanglu aser ki shia takdang 16 lir.



Civilian yimsüsüba nem sorkar agüjang ta Sudan nūburtemi linük yimtiba, Khartoum nung longkak aitba mapang tangokba noksa ka yangi angur. Linük tarutsü jenjang atema mitkar lenirtem aser Sudan nunger democracy busemba telok tsünga tesendaktep tamajungba kuma otagi.

Mkg nung mezüngbuba Nagaland Guitar Festival 2021 takok ngua mungogo Iba benjong ya kümshi Mkg nung ayongzüksü



Mezüngbuba Nagaland Guitar Festival 22nd Oct nü Mokokchung nung akadang gitar atem toktepba nung takoker Imtiwabang Imchen-i shilem agidang tangokba noksa nung angur.

Mkg, Oct. 22, 2021 (TYO) : Mokokchung nung mezüngbuba Nagaland Guitar Festival 2021 sentong 22 Oct, 2021 nü yangi "Just A Venue" nung takok ngua mungogo.

Iba benjong nung Nagaland nungi nungtugu gitarist; Arenlong Lkr, Atsa Lang Roths, Mhaseve Tetseo parnokki gitar workshop & sensaksem sentong nung shisalen sayuba den gitar atem toktepba

nunga parnokki tetendanger liasü aser sentong nung parnokki gitar tema shilem agiba ajanga tesentepertem kanga longsodaktsü. Note Grid School of Music Mokokchung nungia tetsür solo gitarist kati shilem tajung agia liasü.

Iba benjong nung ano 'Six Strings Guitar Contest' ta sür gitar temtepba tetoktepba ka liasü aser iba nungji; Mokokchung nungi Imtiwabang

Imchen-i mezüngbuba jenjang angu aser tanabuba senpetjia Mokokchung nungisa Mayang Lkr-i agizük. Takoker nem senpet sen 40,000/- aser 20,000/- senpettsü aser iba senpetji Naga Musicians Collective (NMC)-i agütsü.

Iba sentong nung tetushi tejaoker Mokokchung D.C Limawabang Jamir-i o tatsüka jembidang, Nagaland CM Neiphiu Rio-i anir state sorkari Nagaland nung lanur kentenmenü sempet aketer aser musician-tem jenjang ajungkettsütsü aser tejakleni renloka aotsü asoshi maparen balala inyaker, anungji, iba maoangkaji lanurtemi agütsü merangtsüla, ta ashi. Naga nung dak kentenmenü tsütsü sempet alakteta moaja lir, anungji, asenoki iba sempetji tim lenmang nung amshitsü asoshi paisa ayongzüksü.

"Nagaland Guitar Festival" ta kümshi agiba sentong ka kümdaktsütsü aser ibai Mokokchung nung dang ayongzüksü, ta TaFMA Project Director, Dr. Hovithal Sothu-i sangoktsüogo. Iba benjong ya taküm mezüngbuba ayongzüka akar, aji oda, taruba küm tajungba ayongtsü merangtsü aser iba benjong ya International kümdaktsütsü nükla yudi, ta pai ashi. TaFMA-i musician-tem tejakleni anir aotsü pungmang mangdang aika lir, ta paisa shisem.

Noklak nung Ambulance ka tenla agütsü

Noklak, Mongputeni/ October 22, 2021 (TYO): Noklak District Hospital atema EKAM ajanga sen lakh 50 alang medical osettsüset aser tachiba mozütem tenla agütsü. Hokolbanü, Item tenla ya Nagaland Civil Secretariat, Kohima nung Medical Minister, Pangnyu Phom-i agizüka liasü, ta sangdong ajanga metetdaktsü.

Kasa anogo, Minister Pangnyu-i Department tenüng nung ambulance ka

agizüka liasü. Medical technology tasen keta aliba Ambulance ya Santhi Medical Information Center ajanga tenla agütsü aser Noklak atema Mobile Medical Unit ama iba ambulance amshitsü.

Item tenla tajung atema, Pangnyu-i EKAM aser Santhi Medical Information Center naprongla dang pelaba metetdaktsü.

Iba maparen takok angütsü nükjidong yur State den item NGO sendaktsüba atema, Pangnyu-isa Joint Secretary

Home, Reny Wilfred dang pelaba shisem. Tentet ana ajanga agütsüba Ambulance aser medical osettsüsettem ajak ajangzüksüsa tim nung amshitsü asoshi pai nüburtem ayongzüka liasü.

Iba sentong nung, Advisor Printing & Stationary, H Haiying, Advisor Economics & Statistics, L Khumo, DC Noklak, Joint Secretary Home aser; Medical Department aser NGOs anaprongla nungi teshimtet nübutemi jembio, ta kasa sangdong nung shia lir.

Dimapur Area Chuchuyimlang Senso Tamang Telongjem ajanga 25th October (Monday) 2021 Sarasadem Ka Ayonger. Mapang 6 to 8 am

Venue:

Chumukidema Unit - Unity Village Ao Baptist Church
Town & Aoyimkum Unit - Town Fellowship DABA Khermahal

Tamasa Khrista temeim salem sensosanger ajak den lemsateper. Asen yimtsüng arogo-i 25th Oct. 2021 sensosanger ajak Tsüngrem tang lumia sarasademtsü sangoktsüba ama Dimapur area nung asen sensosanger ajak-i iba nung shilem agütsü asoshi mepishia metetdaktsür.

A. Renem
Convenor, DACSTT

Mrs. Amakla
Secretary, DACSTT

Security Forces-i Phek Hospital nung teyari agütsü

Dimapur, Mongputeni/ October 22, 2021 (TYO):

HQ IGAR (North) kübok Assam Rifles indang Phek Battalion-i Bodhbarnü (20.10.2021) District Hospital Phek nung mashisa alir tetsür ka nem teyari agütsü liasü, ta sangdong ajanga metetdaktsü.

Tetsürla ya azü (O+ve blood) kanga nüngdaka liasü aser la azü den puteptsüsa lar kinunger shinga dak iba azü meliasü aser iba District Hospital nunga O+ve blood meliasü. Iba mapang Hospital nung inyakertemi kara kara dang Assam Rifles - Phek Battalion den osang-ola agitep aser idangjisa sepia ana (kasa O+ve blood alirtem) Hospital jagi yok aser tetsürla taküm kümzüksü.

Senti taküm ka kümzüksü tangatetba aser temulungtetba tulu nung tsüngdong aruagi azü tenla agütsüba atema, tetsürla kinunger aser civil medical staff temi Assam Rifles dang pelaba metetdaktsüogo.

Brehostibarnü (21.10.2021), HQ IGAR (N) kübok Assam Rifles indang Jalukie Battalion-i Peren district nung tzünglu sashia aruba ajanga anentsüh alur aliba tesem nung nüburtem yaria liasü.

Tesüiba anogo ishika nungi, Peren District nung tzünglu maneni aruba ajanga tesem kar nung zü agi metsüngbanga aser anentsüh alu liasü. Peren Town nung, lenmangtem anentsüh agi nokdangba dak alaka, iba jila nung anentsüh ajanga dokan 15

shi aser football ground kanga mejungi raksaja liasü.

Ajisüaka, iba lendong nung nisung taküm samaba mesüra yiruba osang kecha meliasü. Anentsüh aluba tesem nung dokan osettsüsettem tanga tesem kati belener aotsü asoshi Assam Rifles-i lanur aser dokan kibur tem nem teyari agütsü.

Nübur timtem nung aliba ajiteta teyari agütsüba asoshi, lisopurtem aser dokan kiburtemi Assam Rifles dang pelaba metetdaktsü aser tarutsü nunga maneni amalitepa inyaka aotsü asoshi parnokki Assam Rifles dang mepishia liasü.

Maneni, sangdong tanga ka ajanga angazükba agi, Brehostibarnü (21.10.2021) HQ IGAR (North) kübok Assam Rifles indang Ghaspani Battalion-i Medziphema Town nung security meet den youth & sports awareness campaign ayongzüka liasü.

Iba sentong shilem ama, mapa (employment) maongka balala indang lanurtem dang metetdaktsü aser saispung sobaliba ajungkettsütsü nükjidong nung team-i saispung osettsüset balala lema agütsü liasü.

Iba campaign nung GBs 13 aser lanur 45 agi shilem agiogo. Covid-19 dak sendakba mera ajak nung anidaka iba sentong agiogo aser iba meet den campaign ayongzüka atema sentong nung adenertemi Assam Rifles dang pelaba metetdaktsü.

Tuensang nung Samajik Adhikarita Shivar sentong agi

Tuensang, Mongputeni/ October 22, 2021 (TYO): Hokolbarnü, ADIIP & RVY Scheme Government of India kübok Tuensang Town Hall nung Divyanjans (tekolok nung timtem alir) aser Senior Citizens atema Samajik Adhikarita Shivar sentong agiogo. Iba sentong nung alakteta tejaoker ama Deputy Commissioner Tuensang, Kumar Ramnikant dena liasü, ta sangdong ajanga metetdaktsü.

Iba sentong nung Divyanjans aser Senior Citizens nem "Aids & Appliance" tem lema agütsü. Ministry of Social Justice & Empowerment, Department of Empowerment of Person with Disabilities (Divyangjans) Government of India ajanga iba sentong atema teyari agütsü liasü

asert Artificial Limbs Manufacturing Corporation of India den District Administration, Tuensang longjemer iba sentong ayongzüksü.

Tuensang DC aser Chang Khulei Setshang, President, Nungsanglemba, Yimkhiung Tribal Council, United Sangtam Likhum Pumji, Khiamniungan Union Tuensang Town aser ward union ajak nungi president matsüngdang iba sentong agia liasü. Divyanjans aser Senior Citizens nem lema agütsüba kit nung artificial limbs, hearing aser eyes disable kits tem dena lir.

Deputy Commissioner-i, tajangzüksü angur ajak dang pei nem agütsüba kits tem tajungtiba nung amshitsü asoshi tetuyuba agütsüogo, ta kasa sangdong nung shia lir.



Wb. Temsumongba Ozukum 13th Music award of Nagaland 2021 best Folk Fusion ken Lijaba nung takok anguba tenüngsang sarasadem Rev. Pastor Jongpong East Dimapur Ao Baptist Arogo (EDABA)-i sayatsüba noksa nung angur.

Telongjem FC-i Nagaland tenüing nung Hero Futsal Club Championship nung shilem agitsü



Telongjem FC asyartem 1st Nagaland Futsal Championship 2021 nung takok angundang tangokba noksa.

Mokokchung, 22 Oct (TYO): All India Football Federation (AIFF)-i ayongba 1st Hero Futsal Club Championship 2021-2022 koba Delhi yimtiba nung November 5-13, 2021 tashi ayonga lir, iba asayamung nung Nagaland tenüing nung Telongjem FC-i shilem agitsü, ta Oct 22 nü Telongjem FC coach Tiaküzmük-i 'Just A Venue' Mokokchung nung osangbener senden ka nung metetdaksü.

Telongjem FC ya Mokokchung District Football Association (MDFA) kübok club ka lir aser tang MDFA Trophy Telongjem FC-i bona lir. Telongjem FC-isa taoba September ita Nagaland Football Association (NFA)-i ayongba 1st Nagaland Futsal Championship 2021 koba Dimapur nung asayaa liasü, iba nungjia champion aben. State level nung

par club-i takok anguba ajanga AIFF nungi Hero Futsal Club Championship 2021-2022 nung shilem agitsü jaokba shiti yok, ta coach-isa ashi.

NFA-i Nagaland Futsal Championship ayongba ajanga national level nung shilem agitsüsa maongka ngutetba den player-tem AIFF CRS nung tenüing züingoktsüba asoshi NFA dang pelaba Telongjem FC coach-isa metetdaksü. Onok club atema ibai mezüing tangeleni or shilem agir asütsü, aji oda, NFA aser MDFA nungi tenungita den lenmang balala sayuba asoshi parnok dang pelaba paisa shisem.

1st Hero Futsal Club Championship ya mezüingbo Shillong nung asayatsüba liasü saka nungdakbatem peria maliba ajanga Delhi-i belentsüsa kumatok, ta Telongjem FC coach-i ashi. Iba asayamung

nung shilem agitsü atema senotsü tsütsü AIFF-i mechimenu kati yaritsü ta shiogo saka tanüingba senotsü ajakji club-i dang intoktsü shia lir, ta paisa shisem.

'Club ka bendang talangi or shilem agitsüba mapo temela masü, kechiyong yangi senotsü aika sentaka lir, anungji, onoki iba dak sentakba nung state sorkar dang yaridaktünüa temepishiba yokogo aser parnok nungi telangzüba tajung angashitsü imlar', ta paisa shisem.

1st Hero Futsal Club Championship nung shilem agitsü atema AIFF-i India nung state balala nungi club 16 jaokba rongnung Telongjem FC jia ka lir. Iba asayamung nung shilem agitsü atema par telok ya Nov 1, 2021 nü team management aser asyartem ajak senteper parnok 13 apusotsü, ta coach-isa metetdaksü.

Kohima nung Inter Department Badminton Tournament tenzüko



Kohima, Mongputeni/October 22, 2021 (TYO): Hokolbarnü, Nagaland Legislative Assembly nung Inter Department Badminton Club (IDBC) ajanga ayongba '1st Inter Department Badminton Tournament' tenzüko. Nagaland nung iba asayamung (Inter Department Badminton) ya mezüing asütsü aser anogo ana tashi ayongzüksü renemba asayamung nung team 55 agi shilem agidar, ta sangdong ajanga metetdaksü.

Iba asayamung lapokba sentong nung, Minister for Planning & Coordination, Land Revenue and Parliamentary Affairs, Neiba Kronu-i,

Department balala tsüingda tesendaktep tali tajungba yanglutsü asoshi iba asayamung ya tongtibang mera ka agir ama asütsü, ta ashi.

Kronu-i, badminton tajungtiba nung asayatsüla, kechiyong iba asaya kanga tajung aser temang atema kanga dang tajangzük, ta ashi.

Inter Department Badminton Club indang Convenor, Shanavas-i, COVID dak sendakba mera ajak nung anidaka iba asayamung ayongzüker, ta metetdaksü.

Sorkar department tsüingda telongjem lidaktüsü aser iba den külemi Department balala nung ketdangsurtem tsüingda tesendaktep tajungba

yanglutsüsü nükjidong nung iba asayamung ayongzüker, ta Shanavas-i ashi.

Shanavas-i, anogo ana tashi asayatsü renemba asayamung nung, legislator tem team 55 lemsar - men's category atema team 42, doubles atema team 7 aser mixed doubles atema team 6 densema Sorkar Department 22 agi shilem agidar, ta metetdaksü.

Maneni, iba asayamung metenzükdang, Tournament Director, T Imtisungit Ao-i, shilem agirtem telok dang metetdaksü. Honibarnü, Inter Department Badminton Tournament final asayatsü, ta kasa sangdong nung shia lir.

Tanü KPC asayamung amungtsü

Kohima, Mongputeni/October 22, 2021 (TYO): ayongzüksü terenemba lir. Iba asayamung nung, Kohima Press Club (KPC)-i Kohima kübok tetsür aser Honibar (23.10.2021) tebur journalist anapronglai anepdang 9:30 ako nungi Badminton, Table Tennis aser tenzüka Indoor Stadium Arm Wrestling nung shilem Kohima nung asayamung agitsü, ta sangdong ajanga (annual sports day) metetdaksü.

NSF Martyrs Trophy : Mele FC aser Gaziphema FC na pre-quarter final-i iogo

Kohima, Mongputeni/October 21, 2021 (TYO): ajanga Mele pur goal 3-2 agi Khuzama tejakdang kümadok. Indira Gandhi Stadium nung Iba sülen, Mele FC atema Angami Students' Union ajanga Tangsol-i goal pezübuba ayongba 21st NSF Martyrs' Memorial football asayamung bendenlokja par teloki iba asaya koktet.

nung, Mele Football Club Noklak aser Gaziphema Football Club Manipur nati pei pei tata asaya takok anguba sülen, team anaprongla pre-quarter final tongogo, ta sangdong ajanga metetdaksü.

Hokolbarnü, mezüing match nung, Mele FC Noklak-i goal 4-2 agi Khuzama United tsükdaksü.

Iba asaya nung Mele FC, Noklak atema Zaiphu-i goal ana idaktüsü aser Kuzhama United atema Zevito Khizho aser Zayiese Sale nati goal ka ka inoktsü. Team anaprongla goal 2-2 alidang, tia makai Khuzama nungi asayar kati par telok indang nung goal ka inoktsüba

Kasa asayamung tanabuba match nung, tesemdang team - Gaziphema FC Manipur-i goal 5-0 agi Kitsubozou Youth Society tsükdaksü. Pre-quarter final tongtetsü atema, iba asaya nung Gaziphema atema Chinakho-i goal ana idaktüsü. Külem team pur Leangao, Rowland aser Th. Khazhi nungeri goal ka ka idakja liasü.

* **Honibar (23.10.2021)**

atema asaya yamai alitsü :

1. Mhakenyi Kro-u FC vs Capital college of Higher Education @ 12.30 PM
2. 12 Tribes United FC vs Morning Football Association @ 2PM

Bowling jungra, India team-i maongka tajung agitettsü: Harbhajan Singh

New Delhi, Mongputeni/October 22, 2021

(Agencies): India cricket team nung tasa balala amshia asayar batter tajung aika lir. Ajisüaka, taoba India off-spinner Harbhajan Singh-i, tang asaya aliba T20 World Cup asayamung nung bowling shilem junga asayara, Virat Kohli-i aniba team-i tanga team madak takok ngua/tejakdang asayatsü asoshi maongka tulu angutsü ama bilemer, ta lemsatapa liasü.

"UAE indang pitch tem nung, mezüing batting asütsü shima run 170 (Over 20 nung) tashi yanglura, tanga team den toktepa asayatsü asoshi tajung asütsü; aser bowling line-up tsütsü asalentong tajung yanglua asayara, parnoki (India) tanga team azioktetsü/koktetsü. Asaya mashi ka nung, India team-i run 150 dak tema yanglutetra, parnoki bowling ajanga tetokteper team azioka asayatsü akok," ta Harbhajan Singh-i ashi.

"Iba T20 World Cup asayamung nung, India team bowling ajanga tanga team ajangeta asayatsü asoshi maongka angutsü," ta Singh-i ashi.

"Team bowling line-up nung bowler talisa Jasprit Bumrah, Varun Chakravarthy, Ravinder Jadeja aser Bhuvneshwar Kumar nungeri asaya nung temelenshi tulu adokdaksü akok," ta pai shisem.

Ajisüaka, ground balala talisa Sharjah ama kong asaya atema pitch kanga tongtibang, iba nung run yanglutsü süshia mesüra wicket agitsü atema balala asütsü, saka Dubai aser Abu Dhabi nung pitch tem tanga tesem ama masü," ta pai ashi.

Alima ajunga asüingba Covid-19 wara dak sendakba nung, Australia-i bendager shinga marudaktüsü aser Australia nunger bendangleni modaktüsü atema arrtsü shibangba sülen, 2020 cricket calendar nungi iba asayamung (T20 World Cup) thinena liasü. Iba sülen, taküm küm tetenzüklen India-i iba asayamung ayongzüksü sentong renem, saka linük nung tanaben Covid-19 wara adokba ajanga iba asayamung tanaben thinena liasü.

Deobarnü (October 24, 2021), T20 World Cup nung India-i parnok campaign tenzüka kidanger - Pakistan den asayatsü terenemba lir.

BILEMDANGANG

"Shibai tangar dang yimli sayur, paisa maongka angutsü."